

欽

宋史卷一百三十八之一百四十六

六



宋史卷一百三十八

元中書右丞相總裁脫脫等修

樂志第九十一

樂十三 樂章七

朝會 御樓 肆赦
恭皇上帝皇太后尊號上

建隆乾德朝會樂章二十八首

皇帝升坐隆安 天臨有赫上法乾元鏗鏘六樂儼恪千官皇儀允肅五坐居尊文明在御禮備誠存

公卿入門正安 堯天協紀舜日揚光淑慎爾止率由舊章佩環濟濟金石鏘鏘威儀炳煥至德昭彰

上壽禧安 乾健爲君坤柔爲臣惟其臣子克奉君親永御皇極以綏兆民稱觴獻壽山岳嶙峋

舜韶更奏堯酒浮觴皇情載懌洪算無疆基隆郊廓德茂陶唐山嶽日煥地久天長

皇帝舉酒第一盞用白龜 聖德昭宣神龜出焉載白其色或游于川名符在治瑞應巢蓮登歌丹陛紀

異靈篇

第二盞甘露 天德冥應仁澤載濡其甘如醴其凝如珠雲表潛結顯英允敷降于竹栢永昭瑞圖

第三盞紫芝 煌煌茂英不根而生蒲茸奪色銅池著名晨敷表異三秀分榮書于瑞典光我文明

第四盞嘉禾 嘉彼合穎致貢升平異標南畝瑞應西成德至于地皇祇效靈和同之象煥發祥經

第五盞玉兔 盛德好生網開三面明視標奇昌辰乃見育質雪園淪精月殿著於樂章色含江練

羣臣舉酒正安 戶牖嚴丹宸鸞鸞造紫庭懇祈南岳壽勢拱北辰星得士於茲盛基邦固以寧誠明一
何至金石與丹青

簪紱若雲屯晨趨闔闔門僊僊羅禹會濟濟奉堯罍周禮觀明備天儀仰睟溫高卑陳表著同拱帝王
尊

待漏造王庭威儀盛莫京紛綸簪組列清越佩環聲禮飲終三爵韶音畢九成永圖鳧藻樂千載奉升
平

羣臣第一盞畢作玄德升聞 治定資神武功成顯睿文貢輸庭實旅朝會羽儀分偃革千年連垂衣萬
乘君孰知堯舜力明德自升聞

約法皇綱正崇文寶厯昌邇人振木鐸農器鑄于將瑞日含王宇卿雲藹帝鄉萬邦成一統鴻祚與天
長

大變宸辰威容盛聲明禮樂宣九州臻禹會萬國戴堯天貢職輸琛寶皇猷煥簡編含和均暢茂鴻慶
結非禪

熙朝會儼威儀司常建九旗舞容分綴兆文物辯威蕤運格桃林牧祥開洛水龜帝功潛日用化俗自登

螭階聊載筆紀瑞軼唐虞丹鳳儀金奏黃龍負寶圖羣材薪棧樸仁政煦蒲盧蕩蕩巍巍德豚魚信自
孚

接聖宅神都方來五達區國賢熙帝載靈命握乾符至化當純被斯文益誕數車書今混一聖治奉三
無

聖王臨大寶八表濟才賢經緯文天賦剛柔德日宣建邦隆柱石造物運陶甄共致升平業綿長保億
年

神化妙無方巍巍邁百王鶴書搜隱逸龍陛策賢良拱揖朝羣后賓繼闢四方洪圖基億載清曜德彌
光

第二疊畢天下大定皇猷敷八表武誼肅三邊蘭綺韜兵日靈臺偃伯年奉珍皆述職削衽盡朝天功

德超前古音徽播管弦

伐叛天威震恢疆帝業多削平倖肅殺涵煦極陽和蹈厲觀周舞風雲入漢歌功成推大定歸馬偃珊

戈

大變 惕厲日乾乾潛蟠或躍淵伐謀參上策受鉞總中堅田訟歸周日民謠戴舜年風雲自冥感嘉會
翼飛天

壺關方逆命投袂起親征虎旅聊攻伐梟巢遽蕩平天威清朔漠仁澤被黎氓按節皇輿復洋洋載頌

聲

蠡茲淮海帥保據毒黎苗不悟龍興漢猶同犬吠堯大師方雨施孤壘自冰消千載逢嘉運華夷奉聖
朝

上游荆楚要澤國洞庭深自識同文世皆迴拱極心一戎聊杖鉞九土盡輸金大定功成後薰風入舜

琴

席卷定巴邛西遐盡率從岷峨難負阻江漢自朝宗述職方舟集驅車九折通粲然書國史冠古耀豐

功

銳旅慶回旋邊防盡晏然鍵鑰方偃武飛將亦韜弢震曜資平壘文明協麗天泚泚成大業赫奕在青編

淳化中朝會二十三首

上壽和安 四序伊始三陽肇開條風入律玉琯飛灰望雲肅謁鳴佩斯來稱觴獻壽瞻拱星迴

一陽應候萬國同文天正紀節太史書雲凝旒在御列敘爰分壽觴斯薦祝慶明君

皇帝初舉酒用祥麟 聖皇御寓仁獸誕彰在郊旅貢游時呈祥呈辰是稟草木無傷紀異信史登歌太

常

再舉酒丹鳳 九苞薦瑞戴德膺仁藻翰爰奮靈音載振非時不見有道則臻降岐匪匹儀舜爲隣

三舉酒河清 沔彼涇濱澄明鑑如清應寶運光涵帝居同分沈璧徹見游魚聖祚無極神休偉與

四舉酒白龜 稽彼靈物允昭聖皇浮石可躍巢蓮益光金方正色介族殊祥信書永耀帝德無疆

五舉酒瑞麥 芄芃嘉麥擢秀分歧甘露夕洒惠風晨吹良農告瑞循吏稱奇歸美英主折而貢之

羣臣初舉酒畢作化成天下 軒昊方同德成康粗比肩素風惟普暢皇道本無偏陰魄重輪滿陽精五

色圓要荒咸率服卓越聖功全

聖德比陶唐千年祚運昌茂功雖不宰鴻業自無疆極塞成清謐齊民益阜康文明同日月遐邇仰輝光

大變 蕩蕩無私世巍巍至聖君山河分國寶日月耀人文厭浥凝甘露輪囷吐慶雲正聲兼大雅洋溢應南薰

鴻範合彝倫調元四序均歲功天吏正御苑物華新底貢陳方物來賓列遠人奉常呈九奏嘉貺動穹旻

大君隆至化興運契千齡觀禮俄班瑞夷寶盡寶庭成文調露樂奉聖拱辰星舞佾方更進朝陽上楚萍

禮樂昭王業寶區致太平革車停北狩雲稼屢西成國有詳延詔鄉閭講誦聲日華融五色遐邇仰文明

亭障戢干戈人心浹太和務農登寶穀獵俊設雲羅儀鳳書良史祥麟載雅歌嘉辰資宴喜星拱并戢戢

冠古耀鴻徽深仁及隱微二南江漢詠九奏鳳凰飛設虞羅鐘律盈庭列舞衣文明資厚德怡懌兆民

歸

再舉酒畢威加海內 革輅征汾晉隳城比燎毛桓桓最軍旅將將御英豪神武誠無敵天威詎可逃王
師宣利澤霑若沃春膏

振萬方明德疾徐咸可觀鏗鏘動金奏蹈厲總朱干夾進昭威武申嚴警宴安守方推猛士當用鷁爲
冠

六變 宣榭始觀兵桓桓稱鼓行一戎期大定載續議徂征善政從師律神功冀武成最哉勤誓衆王業
自經營

聲教方柔遠甌閩禮可招獻圖連日際歸國象江湖撫運重熙盛提封萬里遙還同有虞氏文德格三
苗

南暨宣皇化東吳奉乃神舞千方耀德執玉自來賓巢伯朝丹陛韓侯觀紫宸古今歸一揆懷遠道彌
新

遺俗續陶唐來蘇侯聖皇布昭湯弔伐恢復漢封疆金鉞申裁剪朱干示發揚宣哉七德頌千載播洋
洋

乃眷嘗西顧偏師誓首征靈旗方直指獷俗自亡精禹敘終馴致堯封漸化成不須嚴尉候於廊海彌清

千威有司傳威容著凱旋象成王業盛役輟武功全兵寢西郊闕書惟北闕縣聖神膺景命卜世萬斯年

景德中朝會一十四首

皇帝升坐隆安 金奏在庭羣后在位天威煌煌嚮明負宸高拱穆清弁冕端委盛德日新禮容有煒公卿入門正安 萬邦來同九賓在位奉璋薦紳陟降庭止文思安安威儀棣棣臣哉隣哉介爾蕃祉上壽和安 天威煌煌山龍采章庭實旅百上公奉觴拱揖羣后端委垂裳永錫難老萬壽無疆

皇帝初舉酒祥麟 帝圖會昌二獸效祥雙角共觥示武不傷四靈爲畜玄楊耀芒公族信厚元元阜康

再舉酒丹鳳 矯矯長離振羽來儀和音中律藻翰揚輝珍符沓至品物攸宜至德玄感受天之祺

三舉酒河清 德水湯湯發源靈長皎鑒澄徹千年效祥積厚流渥資生阜昌朝宗潤下善利無疆

羣臣舉酒正安 思皇多士靖恭著位鳴玉飛綏鏘鏘濟濟宴有折俎以示慈惠罔敢不祇福祿來暨

金奏在庭有酒斯旨願卽叩叩嚮明負宸湛湛露斯式宴以喜佩玉藥兮罔不由禮

酒以成禮樂以侑食露湛朝陽星環紫極淑慎爾容既飽以德進退周旋威儀抑抑

初舉酒畢盛德升聞 八佾具呈萬舞有奕既以象功又以觀德進旅退旅執籥秉翟至化懷柔遠人來

格

闔闔天開羣后在位設業設虬庭燎晰晰并展當陽虎賁夾陛舞之蹈之四隅來暨

再舉酒畢天下大定 武功既成綴兆有翼以節八音以象七德俱俱蹲蹲朱干玉戚發揚蹈厲其儀不

忒

偃伯靈臺功成作樂以昭德容以清戎索萬邦會同邪匿銷鑠盡善盡美侔彼韶箴

降坐隆安 被袞當陽穆穆皇皇擊石拊石頌聲揚揚和樂優洽終然允臧禮成而退荷天百祥

大中祥符朝會五首

皇帝舉酒醴泉 威沸檻泉寒流清泚地不愛寶其旨如醴上善至柔靈休所啟利澤無疆允資岱禮

再舉酒神芝 彼茁者芝茂英煌煌敷秀香嶽實繁其房適符脩貢封巒允臧永言登薦抑惟舊章

三舉酒慶雲 惟帝佑德卿雪發祥紛紛郁郁五色成章奉日逾麗回風載翔歌薦郊廟播厥無疆

四舉酒靈鶴 玄文申錫嘉祥紹至偉茲胎禽羽族之異翻翰來儀徘徊嘹唳祚聖儲休聿昭天意

五舉酒瑞木 天生五材木曰曲直維帝順天厚其生植連理效祥成文表德總萃坤珍永光祕刻
熙寧中朝會六首

皇帝初舉酒慶雲 乾坤順夷皇有嘉德爰施慶雲承日五色輪囷下乘萬物皆飾惟天祚休長彼無極
再舉酒嘉禾 彼美嘉禾一莖九穗農疇告祥史牒書瑞擊壤歡歌如京委積留獻春種昭錫善類
三舉酒靈芝 皇仁溥博品物蕃滋慶祥回復秀發神芝靈華雙舉連葉四施披圖按牒永享純福
元符大朝會三首

皇帝初舉酒靈芝 嘉瑞降臨應我皇德燿燿神芝不根而植春秋三秀晝夜一色物播詩歌聲被金石
再舉酒壽星 倬彼星象於昭于天維南有極離丙之躔既明且大應聖乘乾誕受景福億萬斯年
三舉酒甘露 泫泫零露雲英醴溢和氣凝津流甘委白飴泛泮林珠聯竹栢天不愛道聖功允格
哲宗傳受國寶三首與大朝會兼用

永昌 於穆我王繼序不忘明昭上帝上帝是皇長發其祥惠我無疆受命于天既壽永昌
神光 惟皇上德伊嘏我王將受厥明載錫之光於昭于天晔晔煌煌緝熙欽止其永無疆
翔鶴 彼鳴在陰亦白其羽聲聞于天來集斯所勉勉我王咸遂厥宇播于異物受天多祐

紹興朝會十三首

皇帝升坐乾安

鉤陳蕭列金奏充庭顯印南面如日之昇垂衣拱手治無能名順履獻歲大安大榮

公卿入門正安

升降同

天子當陽臣工卒職流水朝宗衆星拱極環佩鏘威儀抑抑上下交欣同心同

德

上公上壽和安

八音克諧萬舞有奕上公奉觴率茲百辟聲效呼嵩祝聖人壽億載萬年天長地久

皇帝初舉酒瑞木成文

厚地效珍嘉木紀瑞匪刻匪雕具文見意三登太平允協聖治詩雅詠歌有光

既醉

再舉酒滄海澄清

百谷王符聖治不揚波效殊祉德淪淵滄海清應千秋敘五行

三舉酒瑞粟呈祥

至治發聞惟馨香播厥百穀臻饗饗農夫之慶歲其有禾易長歟盈倉箱時和物阜

粟滋茂嘉生駢穗來呈祥自今以始大豐美行旅不用齎餼糧

羣臣酒行正安

羣公卿士咸造在庭式燕以衍恩均露霽穆穆明明於斯爲盛歸美報上一人有慶

明明天子萬福來同嘉賓式燕曷不肅雍燕以示慈式禮莫愆樂胥君子容止可觀

酒一行文舞

帝德誕敷銷燦羣慝近悅遠來惟聖時克玉振金聲治功興起韶箭象之盡善盡美

乾隆四年校刊

宋史卷一百三十八 樂志

文物以紀藻色以明禮備樂舉適觀厥成睿知有臨誕敷文德教雨化風洽此四國

酒載行武舞 用戒不虞誰能去兵師出以律動必有名拆彼遐衝布昭聖武和衆安民時惟多助

止戈曰武惟聖爲能得其道無敢不庭整我六師稽諸七德不吳不揚有嚴有翼

皇帝降坐乾安 帝坐熒煌廷紳肅穆對揚天休各恭爾服頌聖洋洋彌文郁郁禮備樂成永膺多福
建隆御樓三首

南郊回仗駕至樓前采茨 高烟升太一明祀達乾坤天仗回嶢闕皇輿入應門簪裳如霧集車騎若雲屯
屯兆庶皆翹首巍巍萬乘尊

升坐隆安 禮祀畢圓丘嘉辰慶澤流天儀臨觀魏盛禮藹風猷洋溢歡聲動氣氤瑞氣浮上穹垂眷佑
邦國擁鴻休

降坐隆安 華纓就列左衽來王帝儀炳煥大樂鏗鏘禮成嘒闕言旋未央一人有慶萬壽無疆
咸平御樓四首

采茨 禮成于郊迎日之至時乘六龍天旋象魏端門九重虎賁萬騎四夷來王羣后輯瑞

索扇隆安 應門有翼羽衛斯陳山龍袞冕律度聲身戢戢奉璋肅肅九賓清明在躬志氣如神

升坐隆安 圖丘類上帝大變降天神禋燔禮云畢仗衛肅以陳天顏瞻咫尺王澤熙陽春玉帛臻禹會
動植霑堯仁

降坐隆安 肆眚云畢渙熙溥將雷雨麗澤雲物效祥禮容濟濟天威皇皇大賚四海富壽無疆
咸平藉田回仗御樓二首

采茨 農皇既祀禮畢躬耕商輅旋軫周頌騰聲觀魏將陟服御爰更輿人瞻仰如日之明

升坐隆安 應門斯御雉扇爰開人瞻日月澤動雲雷同風三代均禧九垓歡心允洽時祿康哉

乾興御樓二首

升坐隆安 夾鐘紀月初吉在辰省災流慶有德推仁采章震耀典禮具陳茂昭丕貺永庇斯民

降坐隆安 皇衢赫敞黼坐穹崇華纓在列嚴令發中王制鉅麗寶瑞豐融均禧繇萬壽無窮

紹興登門肆赦二首

升坐乾安 拜況于郊皇哉唐哉熙事休成六駢鼎來天閭以決地垠以開隕祉發祥如登春臺

降坐乾安 鴻霈普洽言歸端門蕩蕩巍巍旋乾轉坤穆然宣室儲思垂恩於萬斯年敷錫羣元

寧宗登門肆赦二首

乾隆四年校刊

宋史卷一百三十八 樂志

七

升坐乾安 帝饗于郊荷天之休五福敷錫皇明燭幽雲行雨施仁翔德游聖人多男歌頌九州

降坐乾安 天日清宴朝野靖安三靈答祉萬國騰懽帝命不違王業艱難天子萬年永迪監觀

皇帝上尊號一首

冊寶入門正安 於穆元后天臨紫宸飛綏星拱建羽林芬徽冊是奉鴻名愈新荷茲介祉永永無垠

明道元年章獻明肅皇太后朝會十五首

皇太后升坐聖安 聖母有子重光類禋聖皇事母感極天人百辟在庭九儀具陳禮容之盛萬國咸賓

公卿入門禮安 帝率四海承顏盡恭端闈肅設羣后來同玉佩鏘鳴衣冠有容英韶節步聲管雍雍

皇帝上壽酒崇安 天子之德形于四方尊親立變化洽風揚聖母禕衣明君黼裳因時獻壽克盛朝章

上壽福安 盛禮煌煌六衣有光千官在位百福稱觴乾德慈仁邦斯淑祥如山之壽佑聖無疆

皇太后初舉酒玉芝 燿燿靈芝生于殿闈照映華拱紛敷玉蕤感召元和光符聖期祥篇協書百福咸

宜

再舉酒壽星 現彼南極昭然瑞文騰光丙位薦壽中宸太史駢奏升歌有闕軒宮就養億萬斯春

三舉酒奇木連理 王化無外坤珍效靈旁枝內附直幹來并羣分非一祺祥紹登至誠攸感海縣斯寧

羣臣酒行禮安

肅肅臨下有威有容循循事上惟信惟忠盛禮興樂示慈訓恭君臣協吉惟道之從

湛湛露晞于載陽我有旨酒羣臣樂康既飲以德亦圖爾良永言修輔用協天常

禮均孝慈樂合韶武至德光矣鴻恩亦溥上下和濟華夷樂胥醴寧三行盛儀斯舉

酒一行畢作厚德無疆之舞 堯母之聖放勛爲子同心協謀柔遠能邇以德康俗以文興貽斯焉象功

罔不昭濟

至矣坤元道符惟聖就養宸極助隆善政翟籥紛舉笙鏞協應翱翔有容表德之盛

酒再行四海會同之舞 七德之舞四朝用康有如姬妣助集周邦威克厥愛居安不忘風旋山立濟濟

皇皇

左秉朱干右揮玉戚以象武綴以明皇德天子榮養羣臣述職四夷賓附罔不承式

降坐聖安 長樂居尊盛容有煒文王事親萬國歸美朝會之則邦家之紀受福于天克昭隆禮

治平皇太后皇后冊寶三首

皇帝升坐乾安 王化之始治繇內乎時庸作命玉簡金書聲筦在庭其縱繹如天臨法展禮與誠俱

太尉等奉冊寶入門正安 辟儀臨拱丕命明敷鸞回寶勢鴻貫瑤光禮成樂備德裕名芳肇基王化永